

## Հ Ա Շ Վ Ե Տ Վ ՈՒ Թ Յ ՈՒ Ն

2025թ. մարտի 9-15-ը ԱՄՀ Կովկասի, Կենտրոնական Ասիայի և Մոնղոլիայի կարողությունների զարգացման տարածաշրջանային կենտրոնի (CCAMTAC) կողմից Ալմաթիում կազմակերպված «Հարկային քաղաքականություն. սկզբունքներ և պրակտիկա» թեմայով դասընթացին մասնակցելու նպատակով գործուղման արդյունքների մասին

### 1. Անունը, ազգանունը, գրադեցրած պաշտոնը

1) Արսեն Արզումանյան, ՀՀ պետական եկամուտների կոմիտեի հարկային վարչարարության կազմակերպման, դիտարկման և հսկողության վարչության պետի տեղակալ,

2) Լուսինե Սարգսյան, ՀՀ պետական եկամուտների կոմիտեի վարչարարության մեթոդաբանության և ընթացակարգերի վարչության հարկերի և պարտադիր վճարների մեթոդաբանության թիվ 2 բաժնի գլխավոր հարկային տեսուչ:

### 2. Գործուղման վայրը և ժամկետները՝

Ղազախստանի Հանրապետություն՝ քաղաք Ալմաթի, 2025թ. մարտի 9-15-ը:

### 3. Հրավիրող կողմը՝

ԱՄՀ Կովկասի, Կենտրոնական Ասիայի և Մոնղոլիայի կարողությունների զարգացման տարածաշրջանային կենտրոն (CCAMTAC):

### 4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

Գործուղման նպատակն էր ուսումնասիրել հարկային քաղաքականության սկզբունքները և պրակտիկան՝ մասնավորապես կազմակերպությունների շահութահարկի, ֆիզիկական անձանց եկամտահարկի, վաճառքի հարկերի և բնական ռեսուրսների հարկերի վերաբերյալ:

Աշխատաժողովին մասնակցող տարածաշրջանային երկրների օրինակներով ներկայացվել են առանձին հարկատեսակների մասով հարկային կարգավորումները, դրանց փոփոխությունները և հարկային եկամուտների վրա ազդեցությունը:

Հանդիպման աշխատանքային լեզուն անգլերենն էր՝ ռուսերեն թարգմանությամբ:

### 5. Քննարկված թեմաները՝

Աշխատաժողովի շրջանակներում մանրամասն քննարկվել են հետևյալ թեմաները՝

- 1) հարկային քաղաքականության սահմանումները և խնդիրները (հարկային քաղաքականության մշակման հիմնական դժվարությունները),
- 2) հարկման նպատակները, սկզբունքները,
- 3) հարկային քաղաքականության մշակման գործնական հարցերը,
- 4) բնական ռեսուրսների հարկումը, արդյունահանող ճյուղերի համար հարկային ռեժիմների մոդելավորում,
- 5) ֆիզիկական անձանց եկամտահարկի գնահատում, վերլուծության գործիքների կիրառում,
- 6) սպառման հարկերի կառուցվածքը, տեսակները, ԱԱՀ-ի և ակցիզային հարկի կառուցման սկզբունքները,
- 7) ԱԱՀ-ի բարեփոխումների գնահատման մոդելի կիրառում,
- 8) կազմակերպությունների շահութահարկի կառուցվածքը և կիրառման պրակտիկան:  
Մասնակցություն ենք ունեցել ազգային օրենսդրության մասով կազմակերպված քննարկումներին, ներկայացրել դիտարկումներ հարցուպատասխանի միջոցով:

#### **6. Հանդիպումները, ելույթները, բարձրացված կամ քննարկված հարցերը՝**

ԱՄՀ փորձագետների կողմից ներկայացվեցին կազմակերպությունների շահութահարկի, ֆիզիկական անձանց եկամտահարկի, վաճառքի հարկերի և բնական ռեսուրսների հարկերի վերաբերյալ կարգավորումները, քննարկվեցին դասընթացի մասնակից երկրներում առկա կարգավորումները: Գործնական աշխատանքների միջոցով վերլուծվեցին հարկային փոփոխությունների ազդեցությունը հարկային եկամուտների վրա:

Ելույթներ ունեցան Ղրղզստանի, Ուզբեկստանի, Վրաստանի, Տաջիկստանի ներկայացուցիչները՝ ամփոփ ներկայացնելով իրենց երկրներում հարկային համակարգը:

#### **7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

Դասընթացի ավարտին ԱՄՀ Կովկասի, Կենտրոնական Ասիայի և Մոնղոլիայի կարողությունների զարգացման տարածաշրջանային կենտրոնի (CCAMTAC) կողմից մասնակիցներն արժանացել են հավաստագրերի՝ «Հարկային քաղաքականություն»:

սկզբունքներ և պրակտիկա» թեմայով դասընթացը հաջողությամբ ավարտելու կապակցությամբ:

**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝**

Միջոցառմանը մասնակցությունը հնարավորություն ընձեռեց ՊԵԿ ներկայացուցիչներին տեղեկատվություն ստանալ միջազգային պրակտիկայում (այդ թվում՝ մասնակից երկրներում) կազմակերպությունների շահութահարկի, ֆիզիկական անձանց եկամտահարկի, վաճառքի հարկերի և բնական ռեսուրսների հարկերի մասով հարկային քաղաքականության սկզբունքների վերաբերյալ, ինչպես նաև գործնական աշխատանքների միջոցով վերլուծվեցին հարկային փոփոխությունների ազդեցությունը հարկային եկամուտների վրա:

Վերոնշյալ գիտելիքների ձեռքբերումը, այլ երկրների հետ փորձի փոխանակումը կնպաստի ՊԵԿ գործառույթների շրջանակներում աշխատանքների արդյունավետության բարձրացմանը:

**9. Ստորագրությունը, ամսաթիվը**

Արսեն Արզումանյան՝

Լուսինե Սարգսյան՝



19.03.2025թ.